

四庫全書

集部

欽定四庫全書

御定全唐詩卷五十六

王勃

聖泉宴

披襟乘石磴列籍

一作席

俯春泉蘭氣薰山酌松聲韻野

弦影飄垂葉外香度落花前興洽林塘晚重巖起夕煙

尋道觀

其觀即昌利觀  
張天師居也

芝

一作枝

屢光分野蓬闕盛規模碧壇清桂闕

一作影

丹洞

肅松樞玉笈三山記金箱五嶽圖蒼虬不可得

一作見空

望白雲衢

散關晨度

關山凌旦開石路無塵埃白馬高譚去青牛真氣來重  
門臨巨壑連棟起崇隈即今揚策度非是棄繻回

別薛華

英華作秋日  
別薛升華

送送多窮路遑遑獨問津悲涼千里道悽斷百年身心  
事同漂泊生涯共苦辛無論去與住俱是夢中人

重別薛華

一作重別薛升華

明月沉珠浦，秋風濯錦川。  
樓臺臨絕岸，洲渚亘長天。  
旅

一作飄

泊成千里棲遑

一作進

共百年窮途，唯有淚還望。獨

潛然

遊梵宇三覺寺

杏

一作香

閣披青磴，瑤臺控紫岑。  
葉齊山路狹

一作逕密花積

野壇深蘿幌，棲禪影松門。  
聽一作引梵音遽忻陪妙躅，延

賞

一作想

滌煩襟

麻平晚行

百年懷土望千里倦遊情高低尋戍道遠近聽泉聲  
磎葉纔分色山花不辨名羈心何處盡風急暮猿清

送盧主簿

窮途非所恨虛室自相依城闕居年滿琴尊俗事稀  
開襟方未已分袂忽多違東巖富松竹歲暮幸同歸

餞韋兵曹

征驂臨野次別袂慘江垂川霽浮煙斂山明落照移  
鴈

風凋晚葉蟬露泣

一作注

秋枝亭臯分遠望延想間雲涯

白下驛餞唐少府

下驛窮交日昌亭旅食年相知何用早懷抱即依然浦  
樓低晚照鄉路隔風煙去去如何道長安在日邊

杜少府之任蜀州

一作川

城闕輔三

一作俯西

秦風煙望五津與君別離意同

一作俱

是

宦遊人海内存知己天涯若比隣無為在歧路兒女共

霑巾

仲春郊外

東園垂柳徑西堰落花津物色連三月風光絕

一作繞四

隣鳥飛村覺曙魚戲水知春初晴山院裏何處染鶯塵

郊興

空園歌獨酌春日賦閒居澤蘭侵小徑河柳覆長渠雨  
去花光濕風歸葉影疎山人不惜醉唯畏綠尊虛

郊園即事

煙霞春旦

一作早

賞松竹故年心斷山疑畫障縣溜瀉鳴

琴草徧南亭合花開一作濃北院深閒居饒酒賦隨興欲  
抽簪

觀佛跡寺

蓮座神容儼

一作促

松崖聖趾

一作跡

餘年長金跡淺地久

石丈

一作芝

疎頽華臨曲磴傾影赴前除共嗟

一作悲

陵谷

遠俄視化城

一作成

虛

山居晚眺贈王道士

金壇疎俗宇玉洞侶仙羣花枝棲晚露

一作霧

峰葉度晴



雲斜一作落

照移山影回沙擁籬

一作溜

文琴尊方待興竹

樹已迎曛

八仙逕

寺南人有昌利觀去寺可數里巖逕窈窕杖而後進

奈園欣八正松巖訪九仙援蘿窺霧術攀林

一作柱

俯雲

烟

一作阡

代

一作岱

北鸞驂至遼西鶴騎旋終希脫塵網連

翼下芝田

春日還郊

閒情兼嘿語

一作嘿

攜杖赴巖泉草綠縈新帶榆青綴古

錢魚牀侵岼水鳥路入山煙還題平子賦花樹滿春田

對酒春園作

投簪下山閣攜酒對河梁狹水牽長鏡高花送斷香繁  
鶯歌似曲疎蝶舞成行自然催一醉非但閱年光

觀內懷仙

玉架殘書隱金壇舊跡

一作路

迷牽花尋紫澗

一作洞

步葉

下清谿瓊漿猶類乳石髓尚如泥自能成羽翼何必仰

一作雲梯

秋日別王長史

別路餘

一作長

千里深恩重百年正悲西候日更動北梁

一作京

篇野色籠寒霧山光斂暮烟終知難再奉懷德自

潛然

上巳浮江宴韻得遙字

上巳年光促中川興緒遙綠齊山葉滿紅洩片花

一作岸芝

銷泉聲喧後澗虹影照前橋遽悲春望遠江路積波潮

長柳

晨征犯煙登夕憇在雲闕晚風清近壑新月照澄灣  
郊童樵唱返津吏釣歌還客行無與晤一作識賴此釋愁顏

銅雀妓二首

金鳳隣銅雀漳河望鄴城君王無處所臺榭若平生舞

席一作延紛何一作可就歌梁儼未傾西陵松檟冷誰見綺

羅情

妾本深宮妓層城閉九重君王歡愛盡歌舞為誰容錦  
衾不復襞羅衣誰再縫高臺西北望流涕向青松

羈遊錢別

客心懸隴路遊子倦

一作倦

江干槿豐

一作濃

朝砌靜篠密

夜窗寒琴聲銷別恨風景駐離歡寧覺山川遠悠悠旅

思難

易陽早發

飭裝侵曉月奔策候殘星危閣尋丹障回梁屬翠屏雲

間迷樹影霧裏失峰形復此涼

一作商

颼至空山飛夜螢

焦峴早行和陸四

侵星違旅館乘月戒征儔  
複嶂迷晴色虛巖辨暗一作

流猿吟山漏曉螢散野風秋  
故人渺何際鄉關雲霧浮

深灣夜宿

主人依山帶江

津塗臨巨壑村宇架危岑  
堰絕灘聲隱風交樹影深  
江童暮理楫山女夜調砧  
此時故鄉遠寧知遊子心

傷裴錄事喪子

蘭堦霜候早松露窳一作臺  
深魄散珠胎沒芳銷玉樹

沈露文晞宿草煙照慘平林  
芝焚一作焚空歎息流恨滿

簫金

泥谿

弭擢凌奔壑，低鞭躡峻岐。  
江濤出岝嶺，險峰磴入雲。  
危溜急，船文亂巖斜。  
騎影移水煙，籠翠渚山照。  
落丹崖風生蘋浦，葉露泣。

一作注

竹潭枝泛水，雖云美勞歌，誰復知。

三月曲水宴得煙字

彭澤官初去，河陽賦始傳。  
田園歸舊國，詩酒間長筵。  
列室窺丹洞，分樓瞰紫煙。  
紫回亘津渡，出沒控郊鄆。  
鳳琴

調上客龍轡儼羣仙  
松石偏宜古藤蘿不記年  
重簷交密樹複磴擁危泉  
抗石踰南嶺乘沙眇北川  
傳巖來築處磻谿入釣前  
日斜真趣遠幽思夢涼蟬

秋日仙遊觀贈道士

一作駱賓王詩無首四句

石圖分帝宇銀牒洞靈宮  
回丹紫岫室複翠上巖攏霧  
濃金竈靜雲暗玉壇空  
野花常捧露山葉自吟風  
林泉明月在詩酒故人同  
待余逢石髓從爾命飛鴻

晚留

一作鳳州

鳳州



寶雞辭舊役仙鳳歷遺墟去此近城闕青山明月初

羈春

客心千里倦春事一朝歸還傷北園裏重見落花飛

林塘懷友

芳屏畫春草仙杼織朝霞何如山水路對面即飛花

山扉夜坐

抱琴開野室攜酒對情人林塘花月下

一作夜  
別似  
一作是

一家春

春莊

山中蘭葉徑城外李桃園豈知人事靜不覺鳥聲喧

春遊

客念紛無極春淚倍成行今朝花樹下不覺戀年光

春園

山泉兩處晚花柳一園春還持千日醉共作百年人

林泉獨飲

丘壑經塗賞花柳遇時春相逢今一作不醉物色自輕

人

登城春望

物外山川近晴初景靄新芳郊花柳遍何處不宜春

他鄉敘興

綴葉歸煙晚乘花落照春邊城琴酒處俱是越鄉人

夜興

野煙含夕渚山月照秋林還將中散興來偶步兵琴

臨江二首

泛泛東流水飛飛北上塵歸驂將別權俱是倦遊人  
去驂嘶別路歸權隱寒洲江皋木葉下應想故城秋

江亭夜月送別二首

江送巴南水山橫塞北雲津亭秋月夜誰見泣離羣  
亂煙籠碧砌飛月向南端寂寂離亭掩江山此夜寒

別人四首

久客逢餘閏他鄉別故人自然堪下淚誰忍望征塵  
江上風煙積山幽雲霧多送君南浦外還望將如何

桂輶雖不駐蘭筵幸未開林塘風月賞還待故人來  
霜華淨天末霧色籠江際客子常畏人何為久留滯

贈李十四四首

野客思茅宇山人愛竹林琴尊唯待處風月自相尋  
小徑偏宜草空庭不厭花平生詩與酒自得會仙家  
亂竹開三徑飛花滿四隣從來揚子宅別有尚玄人  
風筵調桂軫月徑引藤杯直當花院裏書齋望曉開

早春野望

江曠春潮白山長曉岫青他鄉臨曉  
一作眺極花柳映邊

亭

山中

長江悲已滯萬里念將歸  
况屬高風晚山山黃葉飛

冬郊行望

桂密巖花白梨疎林葉紅  
江臯寒望盡歸念斷征蓬

寒夜思友三首

久別侵懷抱他鄉變容色  
月下調鳴琴相思此何極

雲間征思斷月下歸愁切鴻鴈西南飛如何故人別  
朝朝翠山下夜夜蒼江曲復此遙相思清尊湛芳綠

始平晚眺

一作息

觀闕長安近江山蜀路

一作道

賒客行朝復夕無處是鄉

家

扶風晝屈離京浸遠

帝里金莖去扶風石柱來山川殊未已行路方悠哉

普安建陰題壁

江漢深無極梁岷不可攀山川雲霧裏遊子幾時還

九日

九日重陽節開門有菊花不知來送酒若箇是陶家

秋江送別二首

早是他鄉值早秋江亭明月帶江流已覺逝川傷別念  
復看津樹隱離舟

歸舟歸騎儼成行江南江北互相望誰謂波瀾繞一水  
已覺山川是兩鄉



蜀中九日

紀事作和邵大震一作蜀中九日登玄武山旅眺

九月九日望鄉臺他席他鄉送客杯人情

一作今

已厭南

中苦鴻鳴

一作

鴈那從北地來

寒夜懷友雜體二首

北山煙霧始茫茫南津霜月正蒼蒼秋深客思紛無已  
復值征鴻中夜起

複閣重樓向浦開秋風明月度江來故人故情懷故宴  
相望相思不相見

落花落

以下詩  
集不載

落花落落花紛漠漠綠葉青跼映丹萼與君裏回上金  
閣影拂粧階玳瑁筵香飄舞館茱萸慢落花飛撩亂入  
中帷落花春正滿春人歸不歸落花度氛氲繞高樹落  
花春已繁春人春不顧綺閣青臺靜且閒羅袂紅巾復  
往還盛年不再得高枝難重攀試復旦遊落花裏暮宿  
落花間與君落花院臺上起雙鬟

一作  
環

九日懷封元寂

九日郊原望平野遍霜威蘭氣添新酌花香染別衣九  
秋良會少千里故人稀今日龍山外當憶鴈書歸

出境遊山二首

一本作題玄  
武山道君廟

源水終無路山阿若有人驅羊先動石走兔欲投巾洞  
晚秋泉冷巖朝古樹新峰斜連鳥翅磴疊上魚鱗化鶴  
千齡早元龜六代春浮雲今可駕滄海自成塵

振翻凌霜吹正月

一作  
企日

佇天濶回鑣凌翠壑飛軫控青

岑巖深靈竈沒澗毀石渠沉宮闕雲間近江山物外臨

玉壇棲暮夜珠洞結秋陰蕭蕭離俗影擾擾望鄉心誰  
意山遊好屢傷人事侵

河陽橋代竇郎中佳人答楊中舍

披風聽鳥長河路臨津織女遙相妬判知秋夕帶啼還  
那及春朝攜手度

王勔

王勔勃之兄也累官涇州刺史詩一首

晦日宴高氏林亭同用華字

上序披林館中京視物華竹窗低露葉梅逕起風花景  
落春臺霧池侵舊渚沙綺筵歌吹晚暮雨泛香車

御定全唐詩卷五十六

欽定四庫全書

御定全唐詩卷五十七

李嶠

李嶠字巨山趙州贊皇人兒時夢人遺雙筆由是有文  
辭弱冠擢進士第始調安定尉舉制策甲科武后時官  
鳳閣舍人每有大手筆皆特命嶠為之累遷鸞臺侍郎  
知政事封趙國公景龍中以特進守兵部尚書同中書  
門下三品睿宗立出刺懷州明皇貶為滁州別駕改廬

州嶠富於才思初與王楊接踵中與崔蘇齊名晚諸人  
沒獨為文章宿老一時學者取法焉集五十卷今編詩  
五卷

奉教追赴九成宮途中口號

委質承仙翰祇命遙策事偶從梁遊人非背淮客長  
驅歷川阜迴眺窮原澤鬱鬱桑柘繁油油禾黍積雨餘  
林氣靜日下山光夕未攀叢桂巖猶倦飄蓬陌行當奉  
麾蓋慰此勞行役

秋山望月酬李騎曹

愁客坐山隈，懷抱自悠哉。  
況復高秋夕，明月正裴回。  
亭出迴岫皎皎映，層臺色帶銀河滿。  
光含玉露開，淡雲籠影度。  
虛暈抱輪回，谷邃涼陰靜。  
山空夜響哀，寒催數鴈過。  
風送一螢來，獨軫離居恨。  
遙想故人杯。

和同府李祭酒休沐田居

列位簪纓序，隱居林野躅。  
徇物爽全直，棲真昧均俗。  
若人兼吏隱，率性夷榮辱。  
地藉朱邱基，家在青山足。  
暫弭



西園蓋言事東臯粟築室俯澗濱開扉面巖曲庭幽引  
夕霧簷迴通晨旭迎秋谷黍黃含露園葵綠勝情狎蘭  
杜雅韻鏘金玉伊我懷丘園願心從所欲

扈從還洛呈侍從羣官

四海帝王家兩都周

一作姬

漢室觀風昔來幸御氣今旋

蹕雷奮六合開天行萬乘出玄冥奉時駕白拒參戎律  
後隊咽笳簫前驅嚴罕畢輝光射東井禁令橫西秩帳  
殿別陽秋旌門臨甲乙將交洛城雨稍遠長安日邛葦

雲外來咸秦霧中失孟冬霜霰下是月農功畢天道向  
歸餘皇情美陰隲行存名嶽禮遜問高年疾祝鳥既開  
羅調人更張瑟登原采謳誦俯谷求才術邑罕懸磬貧  
山無挂瓢逸施一作垂恩浹寰宇展義該文質德澤盛軒

遊哀矜深禹恤申歌地廬駭獻壽衢尊溢瑞色抱氤氲  
寒光變蕭颺宗枝旦爽輔侍從王劉匹竝輯蛟龍書同  
簪鳳皇筆陶甄荷吹萬頌歎歸明一歡興道路長顧隨  
談笑密叨承廊廟選一作舉謬齒夔龍弼喜構大廈成慙

非棟隆吉

奉使築朔方六州城率爾而作

奉詔受邊服總徒築朔方驅彼犬羊族正此戎夏疆子  
來多悅豫王事寧怠遑三旬無愆期百雉鬱相望雄視  
沙漠垂有截北海陽二庭已頓顙五嶺盡來王驅車登  
崇墉顧眄凌大荒千里何蕭條草木自悲涼憑軾訊古  
今慨焉感興亡漢障緣河遠秦城入海長顧無廟堂策  
貽此中夏殃道隱前業衰運開今化昌制為百王式舉

合千載防馬牛被路隅鋒鏑銷戰場豈不懷賢勞所圖  
在永康王事何為者稱代陳頌章

早發苦竹館

合沓巖嶂深朦朧煙霧曉荒阡下樵客野猿驚山鳥開  
門聽潺湲入徑尋窈窕棲鶻抱寒木流螢飛暗篠早霞  
稍霏霏殘月猶皎皎行看遠星稀漸覺遊氛少我行撫  
輶傳兼得傍林沼貪玩水石奇不知川路渺徒憐  
一作慚

野心曠詎惻浮年小方解寵辱情永託累塵表

安輯嶺表事平罷歸

雲端想京縣帝鄉如可見天涯望越臺海路幾悠哉六  
月飛鵬去三年瑞雉來境遥銅柱出山險石門開自我  
違瀍洛瞻途屢揮霍朝朝寒露多夜夜征衣薄白簡承  
朝憲朱方撫夷落既弘天覆廣且諭皇恩博皇恩溢外  
區憬俗詠來蘇聲朝臣天子壇場拜老夫絳宮韜將略  
黃石寢兵符返旆收龍虎空營集烏鳥日落澄氛靄憑  
高視襟帶東甌抗於越南斗臨吳會春色遶邊陲飛花

出荒外卉服紛如積長川思遊客風生丹桂晚雲起蒼  
梧夕去舳艫清江歸軒趨紫陌衣裳會百蠻琛賁委重  
關不學金刀使空持寶劍還

鷓鴣

一作韋  
應物詩

可憐鷓鴣飛飛向樹南枝南枝日照煖北枝霜露滋露  
滋不堪棲使我長夜啼願逢雲中鶴銜我向寥廓願作  
城上烏一年生九雛何不舊巢住枝弱不得去何意道  
苦辛客子常畏人

清明日龍門遊泛

晴曉國門通都門藹將發紛紛洛陽道南望伊川關衍  
漾乘和風清明送芬月林窺二山動水見千龕越羅袂  
罽楊絲香撓犯苔髮羣心行樂未唯恐流芳歇

雲

大梁白雲起氛氲殊未歇錦文觸石來蓋影凌天發煙  
煴萬年樹掩映三秋月會入大風歌從龍赴圓一作闕

擬古東飛伯勞西飛燕

一本題作東飛伯勞歌

傳書青鳥迎蕭鳳  
巫嶺荆臺數通夢  
誰家窈窕住園樓

五馬千金照陌頭  
羅裙

一作裙

玉珮當軒出點翠  
施紅競

春日佳人二八盛  
舞歌羞將百萬呈  
雙蛾庭前芳樹朝  
夕改空駐妍

一作年

華欲誰待

寶劍篇

吳山開越溪涸三  
金合冶成寶鐔  
淬綠水鑒紅雲五  
米焰起光氛氲背  
上銘為萬年字胸  
前點作七星文龜  
甲

參差白虹

一作蛇

色轆轤宛轉黃金  
飾駭

一作文

犀中斷寧



方利駿馬羣騂

一作驅

未擬直風霜凜凜匣上清精氣遙

遙斗間明避災朝穿晉帝屋逃亂夜入楚王城一朝運

偶逢大仙虎吼龍鳴騰上天東皇提昇紫微座西皇

一作

王佩下赤城田承平久息干戈事僥倖得充文武備除

災辟患宜君王益壽延齡後天地

### 汾陰行

君不見昔日西京全盛時汾陰后土親祭祠齋宮宿寢

設儲供撞鐘鳴鼓樹羽旂漢家五葉

一作四世

才且雄賓延

萬靈朝九戎栢梁賦詩高宴罷詔書法駕幸河東河東  
太守親掃除奉迎至尊導鑾輿五營夾道列容衛三河  
縱觀空里間回旌駐蹕降靈場焚香奠醑邀百祥金鼎  
發色正焜煌靈祇煒煌攄景光埋玉陳牲禮神畢舉麾  
上馬乘輿出彼汾之曲嘉可遊木蘭為楫桂為舟櫂歌  
微吟綵鷁浮簫鼓哀鳴白雲秋歡娛宴洽賜羣后家家  
復除戶牛酒聲明動天樂無有千秋萬歲南山壽自從  
天子向秦闕玉輦金車不復還珠簾羽扇

一作帳  
一作蓋

長寂

冥鼎湖龍髯安可

一作何處

攀千齡人事一朝空四海為家

此路窮豪雄意氣今何在壇場官館

一作觀

盡蒿蓬路逢

故

一作古

老長歎息世事回環

一作還

不可測昔時青樓對

歌舞今日黃埃聚荊棘山川滿目淚沾衣富貴榮華能

幾時不見祇

一作即

今汾水上唯有年年秋鴈飛

明皇傳信記云

上將幸蜀登花萼樓使樓前善水調者登而歌至山川滿目云云上顧侍者曰誰為此曰宰相李嶠詞也因淒然涕下遽起曰嶠真才子也不待曲終而去

御定全唐詩卷五十七

欽定四庫全書

御定全唐詩卷五十八

李嶠

中宗降誕日長寧公主滿月侍宴應制

神龍見像日仙鳳養雛年大火乘一作寶來天正明珠對月

圓作新一作祚延金篋裏歌奏玉筐一作箱前今日宜孫慶還

參祝壽一作聖篇

奉和送金城公主適西蕃應制

漢帝撫戎臣綵言命錦輪還將弄機女遠嫁織皮人曲  
怨關山月妝消道路塵所嗟穠李樹空對小榆春

侍宴長寧公主東莊應制

紀事云長寧公主韋庶人所生降楊慎交

造第東都府財幾竭又取西京高士廉第左金吾衛廢營合為宅作三重樓築山浚池帝及后數臨幸置酒賦詩嬌等屬和即東莊也

別業臨青甸鳴鑾降紫霄長筵鴈鷺集仙管鳳皇調樹  
接南山近煙含北渚遙承恩咸已醉戀賞未還鑣

立春日侍宴內殿出剪綵花應制

早一作幸

聞年欲至剪綵學芳辰綴綠

一作綺

奇能似裁紅

巧逼

一作過

真花從箇裏發葉向手中春不與時

一作韶

光

競何名天上人

奉和人日清暉閣宴羣臣遇雪應制

三陽偏勝節七日最靈辰行慶傳芳蟻升高綴綵人堦  
前  
賞候月樓上雪驚春今日銜天造還疑上漢津

奉和春日遊苑喜雨應制

仙蹕九成

一作重

臺香筵萬壽杯一旬初降雨二月早聞

雷葉向朝隣密花含宿潤開幸承天澤豫無使日光催  
春日侍宴幸芙蓉園應制

年光竹裏遍春色杏間遙煙氣籠青閣流文蕩畫橋飛  
花隨蝶舞豔曲伴鶯嬌今日陪歡豫還疑陟紫霄

甘露

一作泉

殿侍宴應制

月宇臨丹地雲窗網碧紗御筵陳桂醕天酒酌榴花水  
向浮橋直城連禁苑斜承恩恣歡賞歸路滿煙霞

奉和七夕兩儀殿會宴應制

靈匹三秋會仙期七夕過查來人泛海橋渡鵲填河帝  
縷升銀閣天機罷玉梭誰言七襄詠重一作流入五弦歌

奉和九月九日登慈恩寺浮圖應制

瑞塔千尋起仙輿九日來萸房陳寶席菊籩散花臺御  
氣鵬霄近升高鳳野開天歌將梵樂空裏共裴回

閏九月九日幸總持寺登浮圖應制

閏節開重九真遊下大千花寒仍薦菊座晚更披蓮制  
鳳回雕輦帆虹間綵旃還將西梵曲助入南薰弦



奉和驪山高頂寓目應制

步輦陟山巔山高入紫煙忠臣還捧日聖后欲捫天迴  
識平陵樹低看華嶽蓮帝鄉應不遠空見白雲懸

遊禁苑陪幸臨渭亭遇雪應制

同雲接野煙飛雪暗長天拂樹添梅色過樓助粉妍光  
含班女扇韻入楚王弦六出迎仙藻千箱荅瑞年

幸白鹿觀應制

駐蹕三天路回旃萬仞谿真庭羣帝餐洞府百靈棲玉

酒仙壚釀金方暗壁題佇看青鳥入還陟紫雲梯

送沙門弘景道俊玄奘還荊州應制

一作宋之問詩

三乘歸淨域萬騎餞通莊就日離亭近彌天別路長荆

南旋杖鉢渭北限津梁何日紆真果還來入帝鄉

酬

一作和

杜五弟晴朝獨坐見贈

平明坐虛館曠代幾悠哉宿霧分空盡朝光度隙來影  
低藤架密香動藥闌開未展山陽會空留池上杯

同賦山居七夕

明月青山夜高天白露秋花庭開粉席雲岫敞針樓石  
類支機影池似泛槎流暫驚河女鵲終狎野人鷗

送崔主簿赴滄洲

紫陌追隨日青門相見時宦遊從此去離別幾年期芳  
桂尊中酒幽蘭下調詞他鄉有明月千里照相思

寒食清明日早赴王門率成

遊客趨梁邸朝光入楚臺槐煙乘曉散榆火應春開日  
帶晴虹上花隨早蝶來雄風乘令節餘吹拂輕灰

和周記室從駕曉發合璧宮

濯龍春苑曙  
翠鳳曉旗舒  
野色開煙後  
山光澹月餘  
風長笳響咽  
川迴騎行疎  
珠履陪仙駕  
金聲振屬車

和杜侍御太清臺宿直旦有懷

貂冠朝彩振  
烏署曉光分  
欲嘯遷喬侶  
先飛擲地文  
庭虛麥雨潤  
林靜蕙風薰  
嵇駕終難仰  
梁鳧且自羣

和杜學士江南初霽羈懷

大江開宿雨  
征櫂下春流  
霧卷晴山出  
風恬晚浪漲

一作

收岼花明水樹川鳥亂沙洲羈眺傷千里勞歌動四愁

此篇與馬周浮江旅思  
詩後四句同而少異

晚景悵然簡二三子

楚客秋悲動梁臺夕望賒梧桐稍下葉山桂欲開花氣  
引迎寒一作風露光收向晚霞長歌白水曲空對綠池華

送李邕一作送  
李安邑

落日荒郊外風景正淒淒離人席上起征馬路傍嘶別  
酒傾壺贈行書掩淚題殷勤御溝水從此各東西

又送別

岐路方為客，芳尊暫解顏。  
人隨轉蓬去，春伴落梅還。  
白雲度汾水，黃河遶晉關。  
離心不可問，宿昔鬢成斑。

餞駱四二首

平生何以樂，斗酒夜相逢。  
曲中驚別緒，醉裏失愁容。  
星月懸秋漢，風霜入曙鐘。  
明日臨溝水，青山幾萬重。  
甲第驅車入，良宵秉燭遊。  
人追竹林會，酒獻菊花秋。  
霜吹飄無已，星河漫不流。  
重嗟歡賞地，翻召別離憂。

春日遊苑喜雨應詔

園樓春正歸入苑弄芳菲  
密雨迎仙步低雲拂御衣  
危花霑易落度鳥濕難飛  
膏澤登千庾歡情徧九圍

九日應制得歡字

令節三秋晚重陽九日歡  
仙杯還泛菊寶饌且調蘭  
御氣雲霄近乘高宇宙寬  
今朝萬壽引宜向曲中彈

二月奉教作

柳陌鶯初囀梅梁燕始歸  
和風泛紫若柔露濯青薇  
日

艷臨花影霞翻入浪暉乘春重遊豫淹賞玩芳菲

三月奉教作

銀井桐花發金堂草色齊韶光愛日宇淑氣滿風蹊蝶  
影將花亂虹文向水低芳春隨意晚佳賞日無睽

四月奉教作

暄籥三春謝炎鍾九夏初潤浮梅雨夕涼散麥風餘葉  
暗庭悵滿花殘院錦疎勝情多賞託尊酒狎林筵

五月奉教作



綠樹炎氛滿朱樓夏景長池含凍雨氣山映火雲光果  
院新櫻熟花庭曙槿芳欲逃三伏暑還泛十旬觴

六月奉教作

第四句缺三字第七句  
缺一字第八句缺三字

養日暫裴回畏景尚悠哉避暑移琴席追涼  
竹

風依扇動桂酒溢壺開勞餌  
飛雪自可

八月奉教作

黃葉秋風起蒼葭曉露團鶴鳴初警候鴈上欲凌寒月  
鏡如開匣雲纓似綴冠清尊對是序高宴有餘歡

九月奉教作

曲池朝下鴈幽砌夕吟蛩  
葉徑蘭芳盡花潭菊氣濃  
寒催四序律霜度九秋鐘  
還當明月夜飛蓋遠相從

十月奉教作

白藏初送節玄律始迎冬  
林枯黃葉盡水耗綠池空  
霜待臨庭月寒隨入牖風  
別有歡娛地歌舞應絲桐

十一月奉教作

凝陰結暮序嚴氣肅長飈  
霜犯狐裘夕寒侵獸火朝  
冰

深遥架浦雪凍近封條平原已從獵日暮整還鑣

十二月奉教作

玉燭年行盡銅史漏猶長池冷凝宵凍庭寒積曙霜蘭  
心未動色梅館欲含芳裴回臨歲晚顧步佇春光

和麴典設扈從東郊憶弟使往安西冬至日恨

不得同申拜慶

第五句  
缺一字

玉關方叱馭桂苑正陪輿桓嶺嗟分翼姜川限饋魚雪  
花含晚雲葉帶荆舒重此西流詠彌傷南至初

馬武騎挽歌二首

五日皆休沐三泉獨不歸  
池臺金闕是尊酒玳筵非  
巷靜遊禽入門閒過客稀  
唯餘昔年鳳尚繞故樓飛

昔下天津館嘗過帝子家  
夜傾金屋酒春舞玉臺花  
試馬依紅埭吹簫弄紫霞  
誰言東郭路翻枉一作北門車

武三思挽歌

玉匣金為縷銀鈎石作銘  
短歌傷薤曲長暮泣松局事  
往昏朝霧人亡折夜星  
忠賢良可惜圖畫入丹青

天官崔侍郎夫人吳氏挽歌

寵服當年盛芳魂此地窮  
劒飛龍匣在人去鵲巢空  
簞  
愴孤生竹琴哀半死桐  
唯當青史上千載仰嬪風

御定全唐詩卷五十八

欽定四庫全書

御定全唐詩卷五十九

李嶠

日

旦出扶桑路  
還升若木枝  
雲間五色滿  
霞際九光披  
東陸蒼龍駕  
南郊赤羽馳  
傾心比葵藿  
朝夕奉光一作曦

月

桂滿三五夕  
冀開二八時  
清輝飛鵲鑑  
新影學一作蛾

眉皎潔臨牖玲瓏鑒薄帷願言從愛客清夜幸同嬉

一作願陪北堂  
宴長賦西園詩

星

蜀郡靈槎轉豐城寶劍

一作氣

新將軍臨北塞天子入西

秦未作三台輔寧為五老臣今宵潁川曲誰識聚賢人

風

落日生蘋末搖揚徧遠林帶花疑

一作迎

鳳舞向竹似龍

吟月動臨秋扇松清入夜琴若至蘭臺下

一作蘭臺  
宮殿峻

還

拂楚王襟

雲

英英大梁國郁郁秘書臺  
碧落從龍起青山觸石來  
官名光邃古蓋影耿輕埃  
飛感高歌發威加四海回

煙

瑞氣凌青閣空濛上翠微  
迴浮雙闕路遥拂九仙衣  
桑柘迎寒色松篁暗晚暉  
還當紫霄上時接彩鸞飛

露



滴瀝明花苑  
葳蕤泣竹叢  
玉垂丹棘上  
珠湛綠荷中  
夜警千年鶴  
朝零七月風  
願凝仙掌內  
長奉未央宮

霧

曹公迷楚澤  
漢帝出平城  
涿鹿妖氛靜  
丹山霽色明  
類煙飛稍重  
方雨散還輕  
倘入非熊兆  
寧思玄豹情

雨

西北雲膚起  
東南雨足來  
靈童出海見  
神女向臺一作山  
回斜影風前  
合圓文水上  
開十旬無破塊  
九土信康哉

雪

瑞雪驚千里同雲暗

一作從風下

九霄地疑明月夜山似白

雲朝

一作龍沙飛遠玉馬地還銷

正逐舞花光動臨歌扇影飄大周天

闕路今日海神朝

山

地鎮標神秀

一作山嶺鬱氛氲

峩峩上翠氛泉飛一道帶峰出

半天雲古壁丹青色新花綺

一作錦

繡紋已開封禪所希

謁聖明君

石

宗子維城固將軍飲羽威巖花鑑裏發雲葉錦中飛入  
宋星初隕過湘燕早歸倘因持補極寧復想一作美支機

原

第五句  
缺二字

王粲銷憂日江淹起恨年帶川遙綺錯分隰迴阡眠  
橫周甸莓苔闕晉田方知急難響長在脊令篇

野

鳳出秦郊迴鷄飛楚塞空蒼梧雲影去涿鹿霧光通草

暗少原綠花明入蜀紅  
誰云築版士猶處傳巖中

田

貢禹懷書日張衡作賦辰  
杏花開鳳軫莒葉布龍鱗  
瑞麥兩岐秀嘉禾同穎新  
寧知帝王力擊壤自安貧

道

銅駝分輦洛劒閣抵臨邛  
紫微三千里青樓十二重  
玉闕塵似雪金穴馬如龍  
今日中衢上堯尊更可逢

海

習坎疏丹壑朝宗合紫微三山巨鰲湧萬里

一作九萬大鵬

飛樓寫春雲色珠含明月輝會因添霧露方逐衆川歸

江

日夕三江望靈潮萬里回霞津錦浪動月浦練花開湍  
似黃牛去濤從白馬來英靈已傑出誰識卿雲才

河

第八句缺

源出崑崙中長波接漢空桃花來馬頰竹箭入龍宮德  
水千年變榮光五色通若披蘭葉檢

洛

九洛韶光媚三川物候新花明丹鳳浦日映玉雞津元  
禮期仙客陳王覩麗人神龜方錫瑞綠字重來臻

城

四塞稱天府三河建洛都飛雲靄層闕白日麗南隅獨  
下仙人鳳羣驚御史烏何辭一萬里邊徼捍匈奴

門

奕奕彤闈下煌煌紫禁隈阿房萬戶列閭闔九重開疏

廣遺榮去于公待駟來詎知金馬側方朔有奇才

市

闌闌開三市旗亭起百尋漸離初擊筑司馬正彈琴細  
柳龍鱗映長槐兔月陰徒知觀衛玉詎肯挂秦金

井

玉甃談仙客銅臺賞魏君蜀都宵映火杞國旦生雲向  
日蓮花淨含風李樹薰已開千里國還聚五星文

宅

寂寞蓬蒿徑喧喧湫隘廬屢逢長者轍時引故人車孟  
母遷鄰罷將軍辭第初誰憐草玄處獨對一牀書

池

綵擢浮太液清觴醉習家詩情對明月雲曲拂流霞煙  
散龍形淨波含鳳影斜安仁動秋興魚鳥思空賒

樓

百尺重城際千尋大道隈漢宮井餘起吳國落星開笛  
怨綠珠去簫隨弄玉來銷憂聊暇日誰識仲宣才



橋

烏鵲填應滿黃公去不歸勢疑虹始見形似鴈初飛妙  
應七星制高分半月輝秦王空構石仙島遠難依

經

漢室鴻儒盛鄒堂大義明五千道德闡三百禮儀成青  
紫方拾芥黃金徒滿贏誰知懷逸辯重席冠羣英

史

馬記天官設班圖地里新善談方疊疊青簡見彬彬方

朔初聞漢荆軻昔向秦正辭堪載筆終冀作良臣

詩

都尉仙鳬遠梁王駟馬來扇中紈素製機上錦紋回天  
子三章傳陳王七步才縑衣久擅美祖德信悠哉

賦

布義孫卿子登高楚屈平銅臺初下筆樂觀正飛纓乍  
有凌雲勢時聞擲地聲造端長體物無復大夫名

書

削簡龍文見臨池鳥跡舒河圖八卦出洛範

一作字

九疇

初垂露春光滿崩雲骨氣餘請君看入木一寸乃非虛

檄

第二句  
缺一字

羽檄本宣明由來木聲聯翩至漢國迢遞入燕營毛

義持書去張儀韞壁行曹風雖覺愈陳草始知名

紙

妙跡蔡侯施芳名左伯馳雲飛錦綺落花發縹紅披舒

卷隨幽顯廉方合軌儀莫驚反掌

一作覆

字當取葛洪規

筆

握管門庭側含毫山水隈霜輝簡上發錦字夢中開鸚鵡摛文至麒麟絕句來何當遇良史左右振奇才

硯

左思裁賦日王充作論年光隨錦文發形帶石巖圓積潤循毫裏開池小學前君苗徒見蕪誰詠士衡篇

墨

長安分石炭上黨結松心遶畫蠅初落含滋綬更深悲

絲光易染疊素彩還沉別有張芝學書池幸見臨

劍

我有昆吾劍求趨夫子庭白虹時切玉紫氣夜干星  
上芙蓉動匣中霜雪明倚天持報國畫地取雄名

刀

列辟鳴鸞至惟良佩犢旋帶環疑寫月引鑑似含泉  
入夢華梁上含鋒彩筆前莫驚開百鍊特擬定三邊

箭

漢甸初收羽燕城忽解圍影隨流水急光帶落星飛夏  
列三成範堯沈九日輝斷蛟雲夢澤希為識忘歸

彈

俠客持蘇合佳遊滿帝鄉避丸深可誚求炙遂難忘金  
迸疑星落珠沈一作成似月光誰知少孺子將此見一作諫

吳王

弩

挺質本軒皇

一作黃

申威振遠方機張驚雉雠玉彩耀星

芒高鳥行應盡清猿坐見傷蘇秦六百步持此說韓王

旗

桂影承宵月虹輝接曙雲縱橫齊八陣舒卷引三軍日  
薄蛟龍影風翻鳥隼文誰知懷勇志蟠地幾續紛

旌

告善康莊側求賢市肆中擁麾分綵雉持節曳丹虹影  
麗天山雪光搖朔塞風方知美周政抗旆賦車攻

戈

第八句  
缺一字

富父春喉日殷辛漂杵年曉霜含白刃落影駐雕鋌夕  
擯金門側朝提玉塞前願隨龍影度橫陣雲邊

鼓

舜日諧鼗響堯年韻土聲向樓疑吹擊震谷似雷驚仙  
鶴排門起靈鼉帶水鳴樂云行已奏禮曰冀相成

弓

桃文稱辟惡桑質表初生宛轉雕鞬際依稀半月明遙  
彎落鴈影虛引怯猿聲徒切烏號思攀龍遂不成



琴

名士竹林隈鳴琴寶匣開風前中散至月下步兵來一作

風前綠綺弄月下白雲來淮海多為室梁岷舊作臺子期如可聽山

水響餘哀

武丘山有琴室近淮海

瑟

伏羲初製法素女昔傳名流水嘉魚躍叢臺舞鳳驚嘉賓飲未極君子娛俱并倘入丘之戶應知由也情

琵琶

朱絲聞岱谷鑠質本多端半月分弦出叢花拂面安將  
軍曾制曲司馬屢陪觀本是胡中樂希君馬上彈

箏

蒙恬芳軌設遊楚妙彈開新曲帳中發清音指下來鈿  
裝模六律柱列配三才莫聽西秦奏箏箏有剌哀

箏箏  
釋名

曰箏施弦  
高箏箏然

鐘一作宋  
之問詩

既接南鄰磬還隨一作  
同北里笙平陵通曙響長樂警一作

徹宵聲秋至含霜動春歸應律鳴欲知常待扣金簾有餘清

簫

下四句缺

虞舜調清管王褒賦雅音參差橫鳳翼搜索動人心

笛

一作宋之問詩

羌笛寫龍餘

一作聲

長吟入夜清關山孤月下來向隴頭

鳴逐吹梅花落含春柳色驚行觀向子賦坐憶舊鄰情

笙

懸匏曲沃上孤篠汶陽隈形寫歌鸞翼聲隨舞鳳哀歡  
娛分北里純孝即南陔今日虞音奏蹌蹌鳥獸來

歌

漢帝臨汾水周仙去洛濱郢中吟白雪梁上繞飛塵響  
發行雲駐聲隨一作嬌子夜新願君聽扣角當自識賢臣

舞

妙伎遊金谷佳人滿石城霞衣席上轉花岫一作袖雪前

明儀鳳諧清曲回鸞應雅聲非君一顧重誰賞素腰輕

御定全唐詩卷五十九

欽定四庫全書

御定全唐詩卷六十

李嶠

珠

燦爛金輿側玲瓏玉殿隈  
昆池明月滿合浦夜光回  
彩逐靈蛇轉形隨舞鳳來  
甘泉宮起罷花媚望風臺

玉

映石先過魏連城欲向秦  
洛陽陪勝友燕趙類佳人  
方

水晴虹媚常山瑞馬新徒為卞和識不遇楚王珍

金

南楚標前貢西秦識舊城祭天封漢嶺擲地警孫聲向日披沙淨含風振鐸鳴方同楊伯起獨有四知名

銀

思婦屏輝掩遊人燭影長玉壺初下箭桐井共安牀色帶長河色光分滿月光靈山有珍甕仙闕薦君王

錢

漢日五銖建姬年九府流天龍帶泉寶地馬列金溝趙  
壹囊初乏何曾著欲收金門應入論玉井冀來求

錦

漢使巾車遠河陽步障陳雲浮仙石日霞滿蜀江春機  
迴回文巧紳兼束髮新若逢楚王貴不作夜行人

羅

妙舞隨裙動行歌入扇清蓮花依帳發秋月鑒帷明雲  
薄衣初捲蟬飛翼轉輕若珍三代服同擅綺紈名



綾

金縷通秦國為裘指魏君  
落花遥寫霧飛鶴近圖雲馬  
眼冰凌影竹根雪霰文何當  
畫秦女煙際坐氤氲

素

首句缺四字第  
三句缺二字

女纖腰洛浦妃

遠方望鴈足上林飛妙

奪鮫綃色光騰月扇輝  
非君下路去誰賞故人機

布

御績創羲皇綈冠表素王  
瀑飛臨碧海火浣擅炎方  
孫

被登三相劉衣闌四方佇因春斗粟來曉棣華芳

舟

征擢三江暮連檣萬里回相烏風際轉畫鷁浪前開羽  
客乘霞至仙人弄月來何當同傳說特展巨川材

車

天子馭金根蒲輪開四門五神趨雪至雙轂似雷奔丹  
鳳棲金轄非熊載寶軒無階忝虛左珠乘奉王言

牀

傳聞有象牀疇昔獻君王玳瑁千金起珊瑚七寶妝桂  
筵含栢馥蘭席拂沈香願奉羅帷夜長乘秋月光

席

避席承宣父重筵揖戴公桂香浮半月蘭氣襲回風舞  
拂丹霞上歌清白雪中佇將文綺色舒卷帝王宮

帷

久閉先生戶高褰太守車羅將翡翠合錦逐鳳皇舒明  
月彈琴夜清風入幌初方知決勝策黃石受兵書

簾

清風時入燕紫殿幾含秋  
曖曖籠鈴閣纖纖上玉鈎  
窗中翡翠動戶外水精浮  
巧作盤龍勢長迎飛燕遊

屏

洞徹琉璃蔽威紆屈膝回  
錦中雲母列霞上織成開  
山水含春動神仙倒景來  
修身兼竭節誰識作銘才

被

桂友尋東閣蘭交聚北堂  
象筵分錦繡羅薦合鴛鴦  
光

逸偷眠穩王章泣恨長孔懷欣共寢  
棣夢幾含芳

鑑

明鑑掩塵埃含情照魏臺日中烏鵲至  
花裏鳳皇來玉彩疑冰徹金輝似月開  
方知樂彥輔自有鑒人才

扇

翟羽舊傳名蒲葵價不輕花芳不滿面  
羅薄詎障聲禦熱含風細臨秋帶月明  
同心如可贈持表合歡情

燭

兔月清光隱龍盤畫燭新三星花入夜四序玉調晨浮  
炷依羅幌吹香匝綺茵若逢燕國相持用舉賢人

酒

孔坐洽良儔陳筵幾獻酬臨風竹葉滿湛月桂香浮每  
接高陽宴長陪河朔遊會從玄石飲雲雨出圓丘

蘭

虛室重招尋忘言契斷金英浮漢家酒雪儷楚王琴廣  
殿清香發高臺遠吹吟河汾應擢秀誰肯訪山陰

菊

玉律三秋暮金精九日開  
榮舒洛媛浦香泛野人杯  
霜靡寒潭側丰茸曉岵隈  
黃花今日晚無復白衣來

竹

高幹楚江濱

一作蕭條

含曙

一作翠

氛白花搖鳳影青節

動龍文葉掃東南日枝梢西北雲  
誰知湘水上流淚獨

思君

藤

吐葉依松磴舒苗長石臺神農嘗藥罷質子寄書來色  
映葡萄架花分竹葉杯金隄不見識玉潤幾重開

萱

屣

一作履

步尋芳草

一作日

忘憂自結叢黃英開養性綠葉

正依籠

一作綠花吐淺深紅

色湛仙人露香傳少女風還依

一作含貞

北堂下曹植動文雄

茅

楚甸供王日衡陽入貢年磨包青野外鷗

一作鷗

嘯綺楹



前堯帝成茨罷殷湯祭雨旋方期大君錫不懼小巫捐

荷

新溜滿澄陂圓荷影若規風來香氣遠日落蓋陰移魚  
戲排細葉龜浮見綠池魏朝難接採楚服但同披

萍

二月虹初見三春蟻正浮青蘋含吹轉紫蒂帶波流屢  
逐明神薦常隨旅客遊既能甜似蜜還一作復遶楚王舟

菱

鉅野韶光暮東平春溜通影搖江浦月香引櫂歌風日  
色翻池上潭花發鏡中五湖多賞樂千里望難窮

瓜

欲識東陵味青門五色瓜龍蹄遠珠履女臂動金花六  
子方呈瑞三仙實可嘉終朝奉絺綌謁帝佇非賒

松

鬱鬱高巖表森森幽澗陲鶴棲君子樹風拂大夫枝百  
尺條陰合千年蓋影披歲寒終一作不改及勁多

節幸君知

桂

未值銀

一作蟾

宮裏寧移玉殿幽枝生無限月花滿自然

秋俠客條為馬仙人葉作舟願君期道術攀折可淹留

槐

暮律移寒火春宮長舊栽葉生馳道側花落鳳庭隈  
烈士懷忠觸鴻儒訪業來何當赤墀下疎榦擬三台

柳

楊柳鬱氤氲金堤總翠氛庭前花類雪樓際葉如雲列  
宿分龍影芳池寫鳳文短簫何以奏攀折為思君

桐

孤秀嶧陽岑亭亭出衆林春光雜鳳影秋月弄圭陰高  
映龍門迴雙依玉井深

一作忽被夜風  
激遂逢霜雪侵

不因將入爨誰

謂作鳴琴

桃

獨有成蹊處穠花發井傍山風凝笑臉朝露泣啼妝隱

士顏應改仙人路漸長還欣上林苑千歲奉君王

李

潘岳閒居日

一作暇

王戎戲陌辰蝶遊芳徑馥鶯嚙弱枝

新葉暗青房晚花明玉井春方知有靈榦特

一作持

用表

真人

梨

擅美玄光側傳芳瀚海中鳳文疎象郡花影麗新豐色  
對瑤池紫甘依大谷紅若令逢漢主還冀識張公

梅

大庾斂寒光南枝獨早芳雪含朝暝

一作紫花

色風引去來

香妝面回青鏡歌塵起畫梁若能遙止渴何暇泛瓊漿

橘

萬里盤根植千秋布葉繁既榮潘子賦方重陸生言玉  
蘊含霜動金衣逐吹翻願辭湘水曲長茂上林園

鳳

有鳥居丹穴其名曰鳳皇九苞應靈瑞五色成文章屢

向秦樓側頻過洛水陽鳴岐今日見

一作己

阿閣佇來翔

鶴

黃鶴遠聯翩從鸞下紫煙翱翔一萬里來去幾千年已  
憩青田側時游丹禁前莫言空警露猶冀一聞天

烏

日路朝飛急霜臺夕影寒聯翩依月樹迢遞繞風竿白  
首何年改青琴此夜彈靈臺如可託千里向長安

鵲

不分荆山抵甘從石印飛危巢畏風急繞樹覺星稀  
喜逐行人至愁隨織女歸倘遊明鏡裏朝夕動光輝

雁

春暉滿朔方歸雁發衡陽望月驚弦影排雲結陣行  
往還倦南北朝夕苦風霜寄語能鳴侶一作伴相隨入帝鄉

鳬

颯沓睢陽涘浮游漢水隈錢飛出一作入井見鶴引入琴

哀李陵賦

一作降將貽

詩罷王喬曳鳥來何當歸太液一作翔



翔  
集動成雷

鸚鵡

芳樹雜花紅羣鷺亂曉空聲分折楊吹一作柳嬌韻落梅

抑一作

嬌韻落梅

風寫轉清弦裏遷喬暗木中友生若可冀幽谷響還通

一作覲  
曉度花紅闕  
闕亂曉空乍  
離幽谷日先  
轉上林風翔  
集春臺側低  
昂錦帳中聲  
詩辨搏黍此  
興思無窮

雉

白雉振朝聲飛來表太平楚郊疑鳳出陳寶若雞鳴童

子懷仁至中郎作賦成冀君看飲啄耿介獨含情

燕

天女伺辰至玄衣澹碧空  
差池沐時雨頡頏舞春風相

賀雕闌側雙飛翠幕中勿

一作忽

驚留爪去猶冀識吳宮

吳地記吳宮中剪燕爪留之以記更來

雀

大廈初成日嘉賓集杏梁  
銜書表周瑞入幕應王祥暮  
宿江城裏朝遊漣水傍願齊  
鴻鵠至希逐鳳皇翔

龍

銜燭耀

一作輝

幽都含章擬鳳雛西秦飲渭水東洛薦河

圖帶火移星陸升雲出鼎湖希逢聖人步庭闕正晨趨

麟

漢祀應祥開魯郊西狩回奇音中鐘呂成角喻英才畫

像臨仙閣藏書入帝臺若驚能吐哺為待

一作覩

鳳皇來

象

鬱林開郡畢維揚作貢初萬推方演夢惠子正焚書執  
燧奔吳戰量舟入魏墟六牙行致遠千葉奉高居

馬

天馬本來東嘶驚御史  
驄蒼龍遙逐日紫燕迴追風  
明月來鞍上浮雲落蓋中  
得隨穆天子何假唐成公

牛

齊歌初入相燕陣早橫功  
欲向桃林下先過梓樹中  
在吳頻喘月奔夢屢驚風  
不用五丁士如何九折通

豹

車法肇宗周繼文闡大猷  
還將君子變來蘊太公籌  
一作

謀委質超羊羴飛名列虎侯若令逢雨露長隱南山幽  
熊

導洛宜陽右乘春別館前昭儀忠漢日太傅翊周年列  
射三侯滿興師七步旋莫言舒紫褥猶異飲清泉

鹿

涿鹿聞中冀秦原闢帝畿柰花開舊苑萍葉藹前詩道  
士乘仙日先生折角時方懷丈夫志抗首別心期

羊

絕飲懲澆俗行驅夢逸材仙人擁石去童子馭車來夜  
玉含星動晨炤映雪開莫言鴻漸力長牧上林隈

兔

上蔡應初擊平岡遠不稀目隨槐葉長形逐桂條飛漢  
月澄秋色梁園映雪輝唯當感純孝郭郭引兵威

御定全唐詩卷六十

欽定四庫全書

御定全唐詩卷六十一

李嶠

人日侍宴大明宮恩賜綵縷人勝應制

鳳城景色已含韶  
人日風光倍覺饒  
桂吐半輪迎此夜  
蓂開七葉應今朝  
魚猜水凍行猶澁  
鵲喜春熙弄欲嬌

魏奉登高搖彩

一作紫

翰欣逢御氣上丹霄

奉和初春幸太平公主南莊應制

景龍二年二月十一日



主家山第接雲開  
天子春遊動地來  
羽騎參差花外轉

霓旌搖曳

一作颺

日邊回還將石溜調琴曲  
更取峰霞入

酒杯驚輅已辭烏鵲渚  
簫聲猶繞鳳皇臺

太平公主山亭侍宴應制

景龍三年八月十三日

黃金瑞勝絳河隈  
白玉仙輿紫禁來  
碧樹青岑雲外聳

朱樓畫閣

一作壁

水中開龍舟下瞰鮫人室  
羽節高臨鳳

女臺遽惜歡娛歌  
吹晚揮戈更却

一作却使

曜靈回

奉和拜洛應制

拜洛一作受圖溫洛

七萃鑾輿動千年瑞檢開文如龜負出圖似鳳銜來殷  
薦三神享明禋萬國陪周旗黃鳥集漢幄紫雲回日暮  
鈎陳轉清歌上帝臺

奉和幸大薦福寺應制

寺即中  
宗舊宅

鳳沼開香域鸚林降綵旃還窺圖鳳宇更坐躍龍川桂  
輦朝羣辟蘭宮列四禪半空銀閣斷分砌寶繩連甘雨

蘇焦

一作  
申譙

澤慈雲動沛篇獨慙賢作礪空喜福成田

奉和幸長安故城未央宮應制

舊宮賢相築新苑聖君來運改城隍變年深棟宇摧後  
池無復水前殿久成灰莫辨祈風觀空傳承露杯宸心  
千載合睿律九韶開今日聯章處猶疑上柏臺

奉和幸望春宮送朔方總管張仁亶

玉塞征驕子金符命老臣三軍張武

一作戌

旆萬乘餞行

輪猛氣凌玄朔崇恩降紫宸投醪還結

一作得

士辭第本

一作在

忘身露下鷹初擊風高鴈欲賓方銷塞北祲還靖

漠南塵

奉和幸三會寺應制

寺傳蒼頡造書臺

故臺蒼頡里新邑紫泉居歲在開金寺時來降玉輿龍  
形雖近剎鳥跡尚留書竹是蒸青外池仍點墨餘天文  
光聖草寶思合真如謬奉千齡日欣陪十地初

奉和天樞成宴夷夏羣寮應制

唐新語云長壽中則天徵天下

銅鐵于定鼎門內鑄八稜銅柱高九十尺徑一丈二尺題曰大周萬國述德天樞紀革命之功  
貶唐家之德天樞下置鐵山鐵龍負載獅子麒麟圓繞上有雲蓋蓋上施盤龍以托火珠高一丈圓三尺金彩熒煌光侔日月武三思為文  
朝士獻詩者不可勝紀惟嶠詩冠絕當時

轍迹光西嶠勲庸紀北燕何如萬方

一作國

會頌一作德

九門前灼灼

一作灼灼的

臨黃道迢迢入紫煙仙盤正下露高

柱欲承天山類叢雲起珠疑大火懸聲流塵作劫業固

海成田帝

一作聖

澤傾堯酒宸歌掩

一作薰風入

舜弦欣逢下

生日還覩

一作偶

上皇年

皇帝上

一作丘

禮撫事述懷

配極輝光遠承天顧託隆負圖濟多難脫履歸成功聖

道昭永錫邕言讓在躬還推萬方重咸仰四門聰恭已

忘自逸因人體至公垂旒滄海晏解網法星空雲散天  
五色春還一作來日再中稱觴合纓弁率舞應絲桐凱樂  
深居鶴傳歌盛飲豐小臣濫簪筆無以頌唐風

奉和幸韋嗣立山莊侍宴應制

南洛師臣契東巖王佐居幽情遺紱冕宸眷屬樵漁制  
下峒山蹕恩回灞水興松門駐旌蓋薜幄引簪裾石磴  
平黃陸煙樓半紫虛雲霞仙路近琴酒俗塵疎喬木千  
齡外懸泉百丈一作尺餘崖深經鍊藥穴古舊藏書樹宿

搏風鳥池潛

一作遊

縱壑魚寧知天子貴尚憶武侯廬

### 倡婦行

十年倡家婦三秋邊地人紅妝樓上歇白髮隴頭新  
夜風霜苦年年征戍頻山西長落日塞北久無春團扇  
辭恩寵回文贈苦辛胡兵屢攻戰漢使絕和親消息如  
瓶井沈浮似路塵空餘千里月照妾兩眉頻

### 餞薛大夫護邊

荒隅時未通副相下臨戎授律星芒動分兵月暈空犀

皮擁青橐象齒飾雕弓決勝三河勇長驅六郡雄登山  
窺代北屈指計遼東佇見燕然上抽毫頌武功

和杜學士旅次淮口阻風

夕吹生寒浦清淮上暝潮迎風欲舉擢觸浪反停橈  
漫烟波濶參差林岾遙日沈丹氣斂天敞白雲銷水鴈  
銜蘆葉沙鷗隱荻苗客行殊未已川路幾迢迢

送光祿劉主簿之洛

函谷雙嶠右伊川二陝東仙舟窅將隔芳華暫云同朋



席餘歡盡文房舊侶空他鄉千里月岐路九秋風背櫪  
嘶班馬分洲叫斷鴻別後青山外相望白雲中

送駱奉禮從軍

玉塞邊烽舉金壇廟略申羽書資銳筆戎幕引英賓劍  
動三軍氣衣飄萬里塵琴尊留別賞風景惜離晨笛梅  
含晚吹營柳帶餘春希君勒石返歌舞入城闔

王屋山第之側雜構小亭暇日與羣公同遊

桂亭依絕巘蘭榭俯回溪綺棟魚鱗出雕甍鳳羽棲引

泉聊漲沼鑿磴且通蹊席上山花落簾前野樹低弋林  
開曙景釣渚發晴霓狎水驚梁鴈臨風聽楚雞復看題  
柳葉彌喜蔭桐圭

奉和杜員外扈從教閱

杪冬嚴殺氣窮紀送頽光薄狩三農隙大閱五戎場  
萊田初起燒蘭野正開防夾岬虹旗轉分朋獸罟張  
燕弧帶曉月吳劒動秋霜原啓前禽路山縈後騎行  
雲區墜日羽星苑斃天狼禮振軍容肅威宣武節揚  
神心體殷

祝靈兆叶姬祥幸陪仙駕末欣採翰林芳

軍師凱旋自邕州順流舟中

鳴轉入嶂口汎舸歷川湄尚想江陵陣猶疑下瀨師岸  
回帆影疾風逆鼓聲遲萍葉沾蘭槳林花拂桂旗弓鳴  
蒼隼落劒動白猿悲芳樹吟羗管幽篴入楚詞全軍多  
勝策無戰在明時寄謝山東妙長纓徒自欺

一作期

夏晚九成宮呈同寮

碣館分襄野平臺架射峰英藩信煒燁勝地本從容林

引梧庭鳳泉歸竹沼龍小軒恒共處長坂屬相從野席  
蘭琴奏山臺桂酒醲一枰移晝景六著盡宵鐘枚藻清  
詞律鄒談耀辯鋒結歡良有裕聯寀媿無庸暫悅丘中  
賞還希物外蹤風煙遠近至魚鳥去來逢月澗橫千丈  
雲崖列萬重樹紅山果熟岷綠水苔濃願以西園柳長  
間北巖松

田假限疾不獲還莊載想田園兼思親友率成

短韻用寫長懷贈杜

一作幽素

游宦勞牽網風塵久化衣迹馳東苑路望阻北巖扉及  
此承休告聊將狎遯肥十旬俄委疾三徑且殊歸茂陵  
宵難即靈臺漸可依疲痾旅城寺延想屬郊畿夕夢園  
林是晨瞻邑里非綠疇良已穢清濠曠不追野花何處  
落山月幾秋輝彼美符商政優游絕漢機高情物累遣  
逸氣煙霞飛樂道方無悶懷賢獨有違尊虛舊園酒琴  
靜故人徽夏沼蓮初發秋田麥稍稀何當攜手去歲暮  
采芳菲

劉侍讀見和山邸十篇重申此贈

神嶽瑤池圃仙宮玉樹林乘時警天御清暑滌宸襟梁  
駕陪玄賞溜庭掩翠岑對巖龍岫出分壑鳳一作池深

簷迴松蘿映窗高石鏡臨落泉奔澗響驚吹助猿吟野

氣迷涼燠山花雜古今英藩盛賓侶勝景一作境想招尋

踐徑披蘭葉攀崖引桂陰穆生時泛醴鄒子或調琴雉  
翳分場合魚鈎向浦沈朝遊極斜景夕宴待橫參顧已  
慙鉛鐻叨名齒玳簪暫依朱邸館還暢白雲心丘壑信

多美烟霞得所欽  
寓言攄宿志竊吹簡知音  
獎價踰珍石  
酬文重振金  
方從仁智所攜手濯清潯

晚秋喜雨

并序

咸亨元年自四月不雨至于九月王畿之內嘉穀  
不滋君子小人惶惶如也天子慮深求瘼念在責  
躬避寢損膳錄寬弛役牲幣之禮徧于神祇鍾庾  
之貸周于窮乏至誠斯感靈睭有融爰降甘澤大  
拯災亢朝廷公卿相趨動色里閭庶謳吟成響

年和俗阜於焉可致撫事形言孰云能已乃詩曰  
積陽躔首夏隆旱徂秋炎威振皇服歎景暴神州氣  
滌朝川朗光澄夕照浮草木委林甸禾黍悴原疇國懼  
流金昔人深懸磬憂紫宸兢履薄丹宸念推溝望肅壇  
場祀寃申囹圄囚御車遷玉殿薦菲撤瓊羞濟窘邦儲  
發蠲窮井賦優服閑雲驥屏冗術土龍修睿感通三極  
天誠貫六幽夏祈良未擬商禱詎為雋穴蟻禎符應山  
蛇毒影收騰雲八際滿飛雨四溟周聚靄籠仙闕連霏



繞畫樓旱陂仍積水  
涸沼更通流  
晚穗萎還結  
寒苗瘁復抽  
九農歡歲阜  
萬寓慶時休  
野洽如坻詠  
途喧擊壤謳  
幸聞東李道  
欣奉北場遊

中秋月二首

盈缺青冥外  
東風萬古吹  
何人種丹桂  
不長出輪枝  
圓魄上寒空  
皆言四海同  
安知千里外  
不有雨兼風

侍宴桃花園詠桃花應制

紀事云張仁亶自朔方入朝中宗于西苑

迎之從臣宴于桃花園嶠等各賦絕句明日宴承慶殿上令宮中善謳者唱之詞既婉媚歌仍

妙絕樂府  
號桃花行

歲去無言忽顚悴時來含笑吐氛氲不能擁路

一作擢迷

仙客故欲開蹊待聖君

奉和聖製韋嗣立山莊應制

萬騎千官擁帝車八龍三馬訪仙家鳳皇原上開

一作窺

青壁鸚鵡杯中弄紫霞

遊苑遇雪應制

散漫祥雲逐聖回飄飄瑞雪繞天來不能落後爭飛絮

故欲迎前賽早梅

送司馬先生

蓬閣桃源兩處分  
人間海上不相聞  
一朝琴裏悲黃鶴  
何日山頭望白雲

風

解落三秋葉  
能開二月花  
過江千尺浪  
入竹萬竿斜


上清暉閣遇雪

千鍾聖酒御筵披  
六出祥英亂繞枝  
即此神仙對瓊圃

何須轍跡向瑤池

石淙

羽蓋龍旗下絕冥  
蘭除薜幄坐雲扃  
烏和百籟疑調管  
花發千巖似畫屏  
金竈浮煙朝漠漠  
石牀寒水夜泠泠  
自然碧洞窺仙境  
何必丹丘是福庭



御定全唐詩卷六十一